

中國佛寺志叢刊

趙樣初



清・繆潛纂輯

招隱山志
(下)

廣陵書社

明・釋明賢撰

鶴林寺志

廣陵書社

鹤林寺志

鹤林寺志，不分卷。明释明贤撰，清宣统年间鹤林寺僧福登重刊本。明贤明万历时鹤林寺僧。

鹤林寺，在镇江京口区南郊磨芥山下，建于东晋大兴四年（321），原名竹林寺，宋武帝刘裕改为鹤林律院。唐开元、天宝年间，马素禅师法照驻锡此寺，大振佛法，改为禅寺。南宋绍兴中，改名「报恩光孝禅寺」。明永乐年中毁于大火，弘治年间僧了心重建。现存寺宇则是清同治，光绪年间重建。现寺内有苏公竹院、茂叔莲池、米芾墓等名胜古迹。

本志不分卷，共分十四门依次是：山川、建置、山界、田土、碑铭、古碣、高僧、人物、纪异、记序、疏、文、说诗。

张智

招隱山志卷八

京口南郊林壑志之

藝文四

閨秀詩

國朝

昭明讀書臺

李敬持

石臺留千古叢叢都草荒書聲不復作破壁撐斜陽淵
雅傳韻事儲君溯蕭梁淡視金博山專心嗜文章百回
不厭讀一目下數行奇籍列三萬滿几涵古香禪林暫
寄迹鼓鐘和鏘鏘名士廣延納日日校讐襄儂今來憑

弔登臺一徜徉謾謾聽盈耳關接萬松蒼睨睨音上下
鷗歌更如黃髮鬚餘韻遺朗朗高歌長

題外招隱別業

李敬持

一徑通幽曲曲斜山坳危倚擁煙霞鳴泉龍起流平檻
出谷鶯飛豔蹴花碧院有陰千竹繞綠天無縫萬松遮
鹿車隨挽賦偕隱敢比戴公興更賒

仲秋陪外招隱別業夜坐四首

李敬持

柴門靜斷市聲譁雲外天香散桂花樽酒論詩共夫子
舉頭忽訝月光斜

戲詢清福幾生修一曲瑤琴雅唱酬錯被旁人比梁孟
蕭然物外傲王侯

嘯傲空山朔戴公千秋以後被流風儂今一事將公傲
贏得倡隨逸志同

露滴空階白似霜清言不覺室生涼
慕思文學梁儲博
石案於今亂草荒

登獅子窟

李敬持

獅子今何在空留石窟存老松千丈古供佛一燈昏
山氣清成水江光遠到門丹楓紅似錦清賞坐林根

招隱看梅

李敬持

清淨禪關植萬松，歲寒友更老梅逢。
暗香浮動聲隨梵，幽韻悠揚響入鐘。
誰過野橋移健步，卻依淨土寄高蹤。
生來風度山林興，不羨繁華守碧峯。

遊招隱寺

徐德音

繁陰密密萬松圍，春色可人入翠微。
晉逸宅邊桃萼豔，梁儲臺畔筍芽肥。
跑泉虎去留龍在，出谷鷗鳴帶燕飛。
忽聽歌聲白雲外，前峯隱隱一樵歸。

題獅子窟

徐德音

姑蘇獅子林鑄石作怪狀京口獅子窟猛哉挺走曠彼
獅人工爲此獅百獸長窟險坐自天渠林安與抗儂性
嗜探幽肩輿入層嶂獅吼聲不聞哈呀儘石向幽然黝
且黑鬱鬱積嵐瘴窟外叢草封亂壑雲復障一龕古佛
存塵封足情愴孤僧坐空山殘經守大藏伏獅恐未能
羣鳥常倚傍去矣獅何年往事細咨訪得毋佛騎歸窟
留此無恙謾謾松濤鳴天風浪浪颺仁聽日就昏東上
月光望

招隱紅葉

徐德音

久怪山中儘綠拖叢松茂竹滿巖阿誰知秋老飛霜露
忽訝林叢散綺羅野客驚驚文采煥幽人不惜醉顏酡
從今春色難專豔萬葉紅於萬卉多

萬松關

徐德音

關迴撐天未蒼蒼列萬松巢營新巢鶴鱗化老成龍看
月原嫌密聽濤卻喜重此山真足隱宜寄戴公蹤

登獅子窟鳥外亭

張采芾

鳥已高飛遠危亭聳更高梵音來下界樵唱度前皋星
斗低堪摘罡風近愈豪對茲詩興勃呼婢發吟毫

遊招隱寺

張采芼

肩與人修竹峭壁天半參秀色染衣綠撲面晴擁嵐覓
寺寺不見遠鐘落峰尖尋聲路曲折衝破濃雲緘院古
僧住少燈昏彌勒龕老衲聾且瞶儘知口禪談嘉遯緬
昔逸榮利心不貪臣節弗肯易終老泥塗甘超然俗塵
外捨宅爲野庵逸士不復作懷古攜酒柑林外一樵返
穿雲新負擔循途歸緩緩半山斜陽銜

登招隱山

陳蕊珠 逸仙

萬松何叢叢複匝訝無路絕頂窮迫攀徑來雲深處足

弱休儂噎旣前復卻步山鳥鮮逢人驚起入林去
驚訝衣溼羅枝頭滴宿露亂草沒脰深繡裙綠暗度小坐空
林中長江日東注到海奔不迴英雄淘無數因之溯戴
公高躅於此駐調琴弄新音千載被清趣偶聞數聲鷓
鴒髣髴逸懷訴斜景不覺移流連忘日暮

題獅子窟留餘山居

陳蕊珠

細語輕清落翠微坐中幽極欲忘機荒村有客龍爭吠
敗壘無人馬自歸鳥外亭撐迷宿草龍邊水瀉度斜暉
憑欄閒眺情何極一片雲飛欲上衣

招隱寺

陳蕊珠

松竹鬱蒼蒼，深深古寺藏。
覓門不知處，穿樹遙露牆。
樵唱驚飛鳥，僧歸帶夕陽。
戴公遺宅古，千載闢禪堂。

遊獅子窟

陳蕊珠

疊嶂何嵯峨，濃翠四迴匝。
黃鸝語絲蠻，來聽挈酒榼。
奔濤吼長空，松際風爽颯。
汨汨流泉鳴，梵唄時復答。
羅鞋痕映花，落紅細踐踏。
山色旣飽看，更披寫雲沓。
黝然黯且深，逼人冷氣合。
呼婢燃松脂，窮幽燭代蠟。
儂素嗜探奇，誰道古洞闔。
折腰作蛇行，打頭石四疊。
逶迤無道由。

險阻倍三峽蛇蛻紛紛遺雜鬢氣惕懾僵臥哭失聲儂
亦因戰懼折回歎半途步艱滯繡屨旣出尙餘恐小休
借石榻供佛看回頭低眉笑弱怯

昭明讀書臺

陳蕊珠

高臺無復聳丹霄悵悵書聲久寂寥三萬篇章歸宿草
二千年事付春樵蠟鵝遺恨宮終故跑鹿流水自遙
石案惟留煙霧滿松濤謾謾總魂銷

陪外次華招隱看紅葉

鮑之芳

蘭生

城南招隱山秋來景斑斕雲霞散片片高依赤城環茲

山茂松竹蒼翠鬱千般玉蘂更奇絕花作白雪團天公
善點綴施朱復妝巒多情遣青女煊染顏作丹倏忽千
萬樹文章煥成紋幾樹爭燦爛四懸赤瑛盤幾樹疑火
發炎炎閃如焚幾樹光爍爍斜陽訝翻盆幾樹巧鬪麗
胭脂弄嬌鬟幾樹色尤豔血灑猩猩唇文場啟錦繡組
織來天孫夫子厭富貴解組歸田園尋幽至山谷追陪
情遣閒豈知山中景絢兮耀萬端可惜慕榮利紛紛都
世人停車一小憩相對發長歎昔晉戴仲若高蹈逃紅
塵奈何入山密朱紫仍糾纏太息世太濁遠避難乎難

遊招隱寺卽景

鮑之芳

遠望秋山淨丹黃葉不同半空寒翠列十里晚煙籠林
下逢樵客灘邊有釣翁幾竿修竹外坐對夕陽紅

登獅子窟鳥外亭

鮑之芳

孤亭聳雲端濃翠迷宿靄側身陟高岡不覺在鳥外縱
日天地寬俯視城郭隘隱約湖光明一疋素練挂綵霞
散長空天然妙圖畫孤磬聞下方謾謾雜松籟勤讀追
梁儲書聲恍今在

虎跑泉上聽泉

鮑之芳